



Senin, 06 Nopember 2023

Ogen: Juna 3:5-9



Tek Dingen Jera



Teptep kejadi n i bas kegeluhen enda mereken erti ras makna. E maka perlu kal megermet nandangi kerina kejadi n subuk mara bage pe kata persinget. Bage me berita si imomoken Juna seh man kalak Niniwe. Kuga ia ngidah Juna rikut meg i berita si ipesehna? Merawa nge ia d i ngen itangkapna Juna? Lang, labo bagi siibahan pemimpin kalak Israel sierbahan dosa nandangi nabi-nabi Dibata si nehken persinget Dibata man bangsana. Luar biasa perbahanen, ersada ukur kerina bangsa e subuk pemimpin-pemimpinna bage pe rayatna sinterem e.

- Anak kuta Niniwe tek nandangi kata Dibata si ipeseh Juna. Labo ipersoalkenna ise si reh nehken kata e tapi makna ras pesan e me si ibuatna guna geluhna. Minter iresponna alu erpuasa d i ngen make uis guni tandana jera ia i bas erbage perbahanen si la payo ibahanna sedekah enda. La erndobahen subuk simeganjang ntah pe meteruk pangkatna. Sada ukur ras sada arihna kerina.
- Bage pe rajana, kenca meg i berita e ras meteh kai si ilakoken rayatna, la ipemersikna ukurna, tapi minter ia nusur i bas kursi kinirajanna d i ngen ngikutken kai si ibahan kalak si enterem e me nangtangi jubahna, ipakena uis guni bage pe kundul i bas abu. Enda tanda pengakun ras nggit jera. Bage pe minter muat tindakan guna ermomo nandangi bangsa e kai si arus ilakokenna kerina.

Arapenna kerina e me, mbera salih ukur Dibata, ola nai nembah ateNa. I bas si e gelah la ia mate adi nggit Dibata ngalemi ia i bas kerina kinilapayon siilakokenna sedekah enda. Bage pe kalak Niniwe tek nandangi kai si isehken Dibata erkelangken Juna d i ngen jera ia kerina. La ia sisalah-salahen, la lit kalak erpengakap benar ia. Tapi ersada arih jera gelah nggeluh ia kerina. Mari siumban biak si bage rupana.

➤ *Adi sibegi kata Dibata, tek d i ngen jeralah, ula pemersik ukurta.*